



地

倭漢三才圖會

末之二十九

山草類



和漢二才圖會卷第九十二之末目錄

山草類 下卷

白及

白及

胡黃連

秦艽

防風

升麻

延胡索

延胡索

三七

當藥

柴胡

獨活

苦參

貝母

黃連

黃芩

前胡

土當歸

白鮮皮

山慈姑



和漢二才圖會

卷九十二

山草類

下卷

石蒜

白茅

香茅

龍膽

及已

白微

百兩金

罷草

茅花

鐵色箭

菅茅

芒

細辛

鬼督郵

白前

紅苧花

紫陽花

水仙

黃茅

絲芒

杜衡

徐長卿

草犀

唐松草

繡線菊

女節花

元日草

歪頭菜

舌頭菜

尖刀兒草

佛指甲

珍珠菜

山葱

刈萱

夾竹桃

紫雲菜

螺壓黑兒

山裏果兒

拐棗

木桃兒

羽子伊草

箱根草

草尾

匙頭菜

鯽魚鱗草

惠連牽草

風輪菜

金剛刺

山神錫杖

和漢三才圖會

本草

卷之九十一

目錄二

岐良草

三才圖會卷九十二之末

攝陽

城醫法橋寺島良安

尚順編

和漢三才圖會卷九十二之末

山草

下卷

攝陽 城醫法橋寺島良安 尚順編



白及

白給 甘根 連及草

金光明經謂之 因達羅喝悉多 俗云紫蘭 又云紫蕙

本綱白及生山谷葉似初生椴苗葉及藜蘆三四月抽一莖開花長寸許紅紫色中心如舌十月實熟黃黑色冬凋其根如菱有三角白色連及而生角頭生芽有臍如鳧莖之臍又如扁扁螺旋紋性難乾氣味若甘微寒性瀉陽中陰能入肺止血生肌治瘡

和漢三才圖會

卷九十二之末

山草

下卷

鼻衄不止 清調白及末塗山根上 湯火傷 白及末水調

打跌骨折 酒調白及末二錢服其 戰栗 白及末水調

△按白及俗云紫蕪也其花紅紫色初發時如筆頭及樞子形既開時如蘭花而中心有舌



三七 山漆金不换

本綱三七春生苗夏高三四尺葉似菊艾而勁厚有波尖莖有赤稜夏秋開黃花蕊如金線盤結可愛而氣不香花乾則吐絮如若蕒絮根葉味甘云是三七而根大如牛蒡根與南中來者不類恐是劉寄奴之屬甚易繁衍又其根有黃黑色團結者狀畧似白及根長者如老乾地黃有節

願似人參之味或云試法以末搽猪血中血化為末者乃真用之合金瘡如漆粉物故名山漆又云其葉左三右四故名蓋恐不然

氣味甜微苦 陽明厥陰血分之藥故能治一切血病與

要藥云有奇功凡折撲傷損漆血淋漓者隨卽嚼爛卷之卽止青腫者卽消散若受杖時先服一二錢則血不衝心杖後宜服之產後服亦良葉同功

吐血衄血 山漆根一錢 赤痢血痢 山漆三錢研末水調服卽愈

大腸下血 婦人血崩或三七研末調酒亦可

男婦赤眼 磨汁塗四圍甚妙 無名癰腫 醋調塗卽散

△按三七血分之藥人皆所識也又養金魚如將死時將山漆葉入汁於魚口卽活故魚池傍必植之無名瘡癩按葉敷之

黃連 支連



黃連

和名加文未以作

本綱黃連苗似茶叢生一莖生三葉高尺許凌冬不凋四月凡開黃色花六月結實似柎子色亦黃根連珠而色黃九節堅重相擊有聲者為勝漢末取蜀郡黃肥而堅者為善唐時不同如此大抵有二種

一種根粗無毛有珠如鴈雞丸形而堅實色深黃一種根多毛而無珠中虛黃色稍淡各有所宜

氣味苦寒氣可并可除陰中陽入手少陰心經為治火

之主藥有君火相火之說其平則治動則病故

治心臟之火則以醋治肝膽之實火則以酒

治上焦之火則以酒治下焦之火則以酒

治中焦之火則以鹽水或朴硝炒治血分壅中伏火則乾漆

治食積之火則以湯炒諸法不獨為之引道

其用有六瀉心瀉火去中焦濕熱二諸瘡必用三去風

濕四治赤眼暴發五止中部見血六

黃連治痢為君藥然如氣實初病熱多血痢服之便止不

必盡劑虛而冷者慎勿輕用

黃芩龍骨為之使亞菊花玄參白鮮皮芫花白僵蠶畏款冬牛膝勝馬頭解巴豆毒

按黃連出賀州金澤者最良越前者次之俗呼日蝦黃

連佐渡越後與州羽州因州信州皆次之

根



胡黃連

割孤露澤

ハシレン

本綱胡黃連出波斯國生海畔陸地今南方亦有之其生
味刃用似黃連初生似蘆乾則似楊柳枯枝心黑外黃折
之塵出如煙者乃為真其根頭似鳥嘴折之內似鸚鵡
者良

氣味苦寒 主傷寒咳嗽發熱大小便赤如血補肝膽
自理腰膝主兒疳痢鎮痲驚
△按倭用當藥克胡黃連形狀大異不可以類也故令禁
稱胡黃連



當藥

正字未詳

俗云世年不利

△按當藥播州三木郡多有之苗高五六寸一根數莖其
莖細而淡紫色葉似地膚草而小七月開花形似桔梗

花而小色黃有無花者根細長黃色
氣味大苦 倭方丸散諸蟲積聚藥入用或有代胡黃連
用之者不可今人用淡兒衫衣黃色也云能避蚤虱



黃芩

腐腸 空腸
內虛 如婦
經芩 黃文
印頭若督郵

本綱黃芩川蜀河東陝西多有之苗長尺餘莖幹粗如
葉從地四面作叢生類紫草高一尺許亦有獨莖者葉細
長青色兩兩相對六月開紫花根如知母粗細長四五寸
氣味微苦而甘涼 浮而外陽中陰也入手少陽陽明經
其用有九瀉肺熱 去上焦皮膚風熱風濕 去諸
利胸中氣 消痰膈 除脾經諸濕 夏月瀉用
婦人產後養陰退陽 安胎 酒炒上行 上部積血

非此不能除，下痢膿血腹痛後重身熱久不能止者與芍藥甘草同用之。凡諸瘡痛不可忍者宜芍連苦寒之藥也。山茱萸龍骨為之使。惡葱實畏丹砂牡丹藜蘆

得厚朴黃連止腹痛得五味子牡蠣有子人得黃芪白欬赤

小豆療鼠瘻得柴胡退寒熱得桑白皮瀉肺火得白木胎安

○宿苓又云片苓腐腸舊根多中空外黃內黑謂之宿苓瀉肺

火利氣消痰除風熱清肌表之熱

○條苓子又云新根多內實謂之條苓瀉大腸火養陰退陽補膀胱寒水滋其化源



秦艽

ごんごう

秦紉

秦瓜

和名都加里久佐
一云波加里久散

ツインキヤク

本綱秦艽生山谷其根土黃色而相交糾長一尺以來粗細不等枝幹高五六寸葉婆婆連莖梗俱青色如蒿葉六月月中開花紫色似葛花當月結子其根羅紋相交者佳氣味微苦辟陰中微陽可升可降入手陽明經兼入肝膽故手足不遂黃疸煩渴之病瀉之取其去陽明之濕熱也陽明有濕則身酸痛煩熱也昔蒲為之使

△按秦艽往昔本朝亦有之今乃無

山柴胡



ゴハコ

地黃

芸蒿

銀柴胡



芫胡

同紫

山茱

茹草

モイフ

和名乃世利
又云阿未安
加奈

本綱柴胡二月生苗甚香莖青紫堅硬微有細線葉似芍葉而紛繁小七月開黃花根淡赤色似前胡而強生丹州者結青子與他處者不類其苗有數品如竹葉者為勝如

韭葉者次之如和蒿者最下也

銀州之產長尺餘而微白且軟不易得謂之銀柴胡為最上銀州即今延安府神木縣

北地之產亦如前胡而軟入藥亦良謂之北柴胡

南土之產不似前胡正如蒿根強硬不堪使用近時有一種根似桔梗沙參白色而大以偽充銀柴胡不可用

氣味苦微寒陽也升也手足少陽厥陰四經藥也

行手足厥陰以黃連為佐在臟主血在經主氣欲上升則用根以酒浸欲中及下降則用梢

治傷寒寒熱為最要之藥傷寒外亦諸有熱則加之無熱

則不加也又能引胃氣上行又諸癰以柴胡為君婦人產後血熱必用之惡冷犯火便無効 半夏為之使

△按柴胡倭亦有錄倉河原之二種以錄倉柴胡為最上

唐人亦求之美稱

錄倉柴胡根縮短長者二寸許淡赤色本相別之產而

今多出於武陽者良日向薩摩肥後之產次之

河原柴胡根稍長四五寸許紫赤色出於豐州白木者

良阿波備前安藝紀伊能登佐渡越後次之但赤紫者

為上純紫者次之淡白者為下



前胡

俗云美都波多佐

瀟胡

本綱前胡生下濕地有數種春生苗高一二尺青白色似

斜蒿葉如野菊而細瘦嫩時可食秋月開白花類蛇床

子花根皮黑肉白有香氣為真大抵北地者為勝故稱北

野蒿根甚相似而味粗酸苦誤用之令人反胃不受食

氣味苦微寒又陽中之陰降也乃手足太陰陽明之藥

能下氣故治痰熱喘嗽痞膈嘔逆諸疾氣下則火降痰

亦降矣所以有推陳致新之績為痰氣要藥此與柴胡治證雖同而所入所主則異以半夏為使 惡皂莢

△按前胡味始其倭漢形狀氣味有異同蓋漢之前胡亦有數種則其中異種者乎和州金剛山之產為上防州及藝州廣島備中平福之產次之苗高一二尺葉似桑葉而無鋸齒兩兩對生八九月開黃花似旋覆花有白花者並十月結實有稜似牽牛子黑色

東防風



石防風



防風

- 銅芸 回芸
- 蘭根 百枝
- 屏風 回草
- 百蜚

和名波萬須加 又云波萬仁加奈

本綱防風其莖葉俱青綠色莖淡而葉淡似青蒿而短小春初嫩時紫紅色作菜茹五月開細白花中心攢聚作木房似蒔蘿花實似胡荽子而大根土黃色與蜀葵根相類

石防風 朔名 瑚 生山石之間二月采嫩苗作菜辛甘而

香五月開白花根如蒿根而黃粗醜此乃防風之一種也氣味甘溫氣浮而升陽也手足太陽經之本藥治風通

用身半已上風邪用身半已下風邪用稍治風去濕之藥也風能勝濕故爾又云防風治一身盡痛乃卑賤之職隨所引而至乃風藥中潤劑也若補脾胃非此引用不能行

防風能制黃芪黃芪得防風其功愈大乃相畏而相使者也得葱白能行周身得澤瀉藁本療風

凡使以黃色而潤者為佳白者不佳又頭者令人發狂又尾者發人痼疾惡藜蘆 畏葶藶 殺附子 毒花

△按防風初生葉形類老芥葉而淡綠一莖二三葉其莖亦紫相抱生稍長葉圓尖有鋸齒而淡青色其嫩時知醋未醬茹之極爽口五月開花結子其花實如上說其根入藥有削防風濱防風二種猶唐之東防風 石防風之二種

濱防風者細而微黃色為勝雲州勢州若州最佳日向因
播次之遠列參列海濱沙地甚多有濱防風之
削防風者大而白色為次豫州之產為上日向及五島之
產次之



獨活

護羌使者
胡王使者

羌活 長生草

羌青 獨搖草

トツホ

和名字止
云豆知多良

本綱獨活羌活一物二種也正如川芎撫芎白朮蒼朮之
義入防藥微有不同春生苗葉如青麻六月開花作叢或
黃或紫結實時葉黃者是夾石土所生葉青者是土脈中
所生此草得風不搖無風自動故有獨活獨搖之名
古方但用獨活無羌活今方俱用以紫色而節密者為羌
活黃色而作塊虛大者為獨活今人用土當歸充獨活不

可不辨土當歸白肉黑皮氣
亦芬香如白芷氣

獨活 微温甘苦 此與細辛同用
氣味俱薄浮外陽也

羌活 性温辛苦 此與川芎同用
足少陰行經氣 藥也

羌活 主治 足太陽風濕相搏頭痛肢節痛一身盡痛者
獨活 足少陰伏風頭痛兩足濕痺不能動止者

按獨活二三月生苗似蘆荀而有節有短毛青碧色而
紫黃白微斑且有小點謂之獨活芽為蔬和酸茹之香
美可賞既長高四五尺一桎五葉有細鋸齒面背皆有
細毛六月開白花作叢婆娑如絲毛秋結實以根上近
莖帶紫處為羌活以根株塊而黃色處為獨活如白朮
蒼朮之分別蓋花形色倭漢不同今將來之羌活間有
無節者是疑土當歸矣止擇用倭羌獨可也備中平福
之產佳藝州廣島者次之羽列最上獨活有長二三
尺者太柔可食總關東之產太長畿內之產僅五七寸

一種有別，鬼活久，氣味不可用。

佐波字止

土當歸

本綱土當歸根長近尺許，白肉黑皮，氣亦芬香如白芷，氣人亦謂之。水白芷用充，獨活解散亦或用之。

△按此俗云澤獨活

都管草 生田野，苗高一尺許，葉似土當歸，有重臺根似

鬼活，頭歲長有節。

按歲音歪，歲裏不正

周麻



升麻

和名止里乃阿之谷，云字太加久佐

本綱升麻春生，苗高二尺以來，葉似麻，葉並青色，四五月着花似粟穗，白色，六月以後結實，黑色，根如蒿根，紫黑色。

多鬚，今人取裏白，外黑，而緊實者，謂之鬼臉升麻，蓋其葉似麻，其性上外，故名升麻。

氣味甘微寒，氣味俱薄

浮升陽也，為足陽明、大陰引經的藥，得

葱白、白芷，亦入手陽明、太陰引，石膏止陽明齒痛，人參

黃芪非此引之，不能上行，得柴胡引，生發之氣，上行得

葛根，能發陽明之汗，升麻葛根湯，乃陽明發散藥，若初

和於陽明反，成其害也

其用有四：手足陽明引經也，升陽氣於至陰之下也，去

至高之上及皮膚風邪也，治陽明頭痛也。

△升麻和漢同，而甜味微，但葉似榆而長，有微毛為異耳。

河州金剛山者良，備中、平福、豐前、中津之產次之。



苦參

苦識 苦骨
地槐 水槐
菟槐 驕槐
野槐 白莖

和名久良今云末比里久左

本綱苦參生山谷田野其根黃色長五七寸許兩指粗細三五莖並生苗高三四尺以來葉碎青色極似槐葉春生冬凋其花黃白色七八月結實作角如蘿蔔子角內有子二三粒如小豆而堅又有無花子者

氣味至苦 氣沉純陰足少陰腎經君藥也最治風熱瘡疹除心腹結破癥瘕殺疳蟲惡貝母免絲漏蘆伏承反藜蘆制雌黃煇硝凡苦參黃蘗之苦寒皆能補腎惟腎水弱而相火勝者用之宜若火衰精冷真元不足及年高之人不可用也
△按苦參形狀和漢同而丹波之產最良淡州豫州今治藝州廣島次之帶黑色者不可



三才圖會

白鮮皮

白擅 白羊鮮
金雀兒椒
地羊鮮

本草必讀所圖



ペツスエンハイ

和名比豆之又佐

本綱白鮮其苗高尺餘莖青葉稍白如槐亦似茶葉四月開花淡紫色似小蜀葵花根似小蔓菁皮黃白而心實其氣似羊膾鮮者羊之氣也故名之其子累累如椒山人采嫩苗為菜茹采根皮為藥

氣味苦寒 性燥善行足太陰陽明經去濕熱藥也兼入手足太陰陽明為諸黃風痺要藥世醫止施之瘡科淺矣

△按白鮮皮往昔出於本朝也今亦丹波及吉野山中有之高三四尺葉似木槿而小六七月開單白花亦似木槿而小根亦似木槿而黃白色俗呼曰寒牟須伊山人

伐之為柴薪即木類也其根以充白鮮皮然和漢大異而葉花亦不相似唐白鮮皮形似筆管而細倭者如山椒木皮而濶故官令禁止賣買



玄胡索

延胡索

避宋真宗 諱改玄為延



本綱延胡索本出奚國東北今二弟山西種之每辛寒露

後栽立春後生苗葉如竹葉樣三月長三寸高根叢生如芋卵樣又如半夏而色黃立夏掘起

氣味苦微辛溫可外可降陰中陽入手足太陰厥陰四經能行血中氣滯氣中血滯故專治一身上下諸痛通小使



貝母

苦菜 苦花 空草 藥實

和名服个久里

本綱貝母二月生苗莖細青色葉亦青似蕎麥葉隨苗出

七月開花碧綠色如鼓子花八月采根根有瓣子黃白色

如聚貝子故名貝母此有數種而其葉或如大蒜或如韭或如栝樓葉而細小蓋其如栝樓者多有之似韭而開白花者罕復見之

其子在根下如芋子正白四方連累相着有分解若團不作兩片無皺者號曰丹龍精不入藥用誤服令

久筋麻永不收惟以黃精小藍汁服之立解氣味平苦辛能散心胸鬱結之氣乃肺經氣分藥而多愁

鬱者殊有功降火消痰清肺治煩熱咳渴瘵惡瘡

俗以半夏有毒用貝母代之貝母乃太陰肺經之藥也
經之何可以代乎貝母厚朴白微為之使惡
藥也若虛勞咳嗽吐血咯血肺痿肺癰婦人乳癰癰疽及諸
鬱之證半夏乃禁忌皆貝母為向導猶可代也
至於脾胃濕熱涎化為痰久則生火痰火上攻昏憤僵

什寒瀉諸證生死且夕亦豈貝母可代乎
貝母治惡瘡唐人記其事云嘗有商人左膊上有瘡如人

面亦無他苦戲以酒滴口中其面赤色以物食之亦能食
多則臍內肉脹起或不食則一臂痺焉有名醫教其歷試

諸藥金石草木之類悉無所苦至貝母其瘡乃聚眉閉目
因以小葦筒毀其口灌之數日成痂遂愈然不知何疾也

△按貝母人以小者為佳蓋不可抱大小色正白而作兩
片有皺者佳也本朝亦溪山陰處有之葉如初生麥

花似百合而赤或白色其根子白然不鮮明故不敢用



山慈姑

朱姑 鹿蹄草 無義草

俗云燈籠花 又云愚和 又云阿未奈

本綱山慈姑冬月生葉如水仙花之葉而狹二月中枯一
莖如箭幹高尺許莖端開花白色亦有紅色黃色者上有
黑點其花乃衆花簇成一朶如絲紐成可愛三月結子有
三稜四月初苗枯即掘取其根狀如慈姑及小蒜遲則苗
腐難尋矣根苗與老鴉蒜極相類但老鴉根無毛此根有
毛殼包裹為異爾用之去毛殼但其花與葉不相見人惡
種之謂之無義草取根為藥

一種 有圓慈姑根如小蒜

氣味甘微辛 能治粉滓面黚用根液療癰疔惡瘡解諸
毒故紫金錠方中入用

△按草本花詩譜云金燈花有二種花開一簇五朵金燈
 色紅銀燈色白皆蒲生分種
 出於藝列及四國葉根共如本草說石蒜根有皮無毛此根畧小而毛多
 四月開花形似梅花尖長鬚有黃與白二種不若本草
 謂如絲紐成形耳巖內石蒜多有山慈姑甚希也



石蒜

鳥蒜 老鴉蒜
 水麻 蒜頭草
 漣漣酸 一枝箭
俗云死人花 又云彼岸花 曼珠沙華 東國

本綱石蒜下濕地有之春初生葉如蒜秧及山慈姑葉皆
 有劍脊四散布地七月苗枯乃于平地抽出一莖如箭幹
 長尺許莖端開花四五朵六出紅色如山丹花狀而瓣長
 黃蕊長鬚其根狀如蒜皮色紫赤肉白此花開後乃生葉
 葉花不相見也同山慈姑

氣味酢 治便毒諸瘡搗爛塗之即消若毒大甚者
 洗淨以生白酒煎服得微汗即愈

△按石蒜者山慈姑之類而山野墳墓邊多有之故俗曰
 死人花而人家忌之不種者非也唐人呼山慈姑曰無
 義草惡葉花不相見亦同意也九十月生苗似蒜葉而
 長有劍脊四散布地紀列人用藉蜜柑籠中四月葉枯
 徒為空地七月抽一莖尺餘莖端開花七八朵有青節
 每朵開紅花六出狹長橫簇如深紅絲紐每瓣著赤蕊
 七筋長而端戴小子形如印乃牟土而初赤後黃老則
 花緣變白亦有之秋分盛開故名彼岸花小兒取之寸
 寸折之脆而皮不絕畧作念珠狀掛頸為戲莖汁臭又
 法華經曰摩訶曼陀羅華曼珠沙華乃曼陀羅花今云
 朝鮮牽牛花也曼珠沙花此石蒜也摩訶者共稱其美大之義
 耳其根似水仙根而不如蒜有隔也塗諸瘡佳或和泥
 土塗壁則鼠不敢入又搗和繪具畫於漆器則不繪滅

本草綱目卷之四十一 雜考 水仙



鐵色箭 俗云夏水仙

本綱鐵色箭即石蒜之一種者其葉如大韭四五月抽莖
開花如小萱花黃白色花後乃生葉葉花不相見山慈姑
石蒜並同根亦為藥功相似

△按鐵色箭夏開花賞其花俗不名夏水仙也凡冬生苗
葉似水仙而厚微潤有劍脊不失水仙二月枯此葉四
五月枯故草花者換用水仙葉仍名夏水仙葉枯而後
七月抽莖開花似萱草及牽牛花而白黃色丁莖四五
朶開又有黃白帶微赤色者
△又不可謂花後生葉謂葉枯後生花而可也



水仙 金盞銀臺

本綱水仙宜卑濕地不可缺水故名之其根似蒜及薤而
長外有赤皮裹之冬月生葉似薤及蒜春初抽莖如葱頭
莖頭開花數朶大如薤頭狀如酒盃五尖上承黃心宛然
盞樣其花瑩韻其香清幽栽于肥壤則花茂盛瘦地則無
花五月初收根以童尿浸一宿晒乾懸火煖處若不移宿
根更旺其根為藥

氣味 滑 苦 微 辛 治癰腫及魚骨哽又以花作香澤塗身理
髮或入婦人五心發熱之藥
一種千葉者花綴下輕黃而上淡白不作盃狀人重之指
為真水仙蓋不然乃一物二種爾亦有紅花者

本草綱目卷之四十一 雜考 水仙

一種出拂林國者根大如雞卵葉長三四尺似蒜中心為
條莖端開花六出紅白色花心黃赤不結子冬生夏死
此形狀與水仙彷彿

△按水仙南面岸陰能茂生如遠列駿列向陽地則三四
尺者不多或夏土用中掘其根浸尿晒乾一宿種之則
佳大抵十一月開花近時有七八月開者蓋因培糞之
功也河州志紀郡舟橋村出早華紀列松江之產亦早
千瓣者名玉玲瓏見干譜今有千葉淡青色者未見其紅
花者凡眼科取其根細末水飛以點突眼有效絞汁入
眼亦佳又傳藤瘡愈



白茅

ハツマワ

根名茹根
蘭根 地筋

茅 和名智
花 豆波奈
豆 與智通

本綱曰茅田野處處有之春生芽布地如針俗謂之茅針
亦可噉甚益小兒夏生白花成穗茸茸然結細實至秋而
枯其根甚長白軟如筋而有節乾之夜視有光故腐則變
為螢火

茅根 甘寒 服食斷穀甚良能除伏熱利小便故止諸血
噉逆喘急消渴治黃疸水腫乃良物也

茅針 甘平 即初生苗也通小腸下水治消渴破血治血
及暴下血服之惡瘡軟痛未潰者以酒一針一孔二針

茅根 甘溫 二孔傳金瘡生肌止血
止血 煎傳灸瘡不谷晉刀箭金瘡止

△按茅生原野堤塘春月兒女拔茅針為野遊
此代 此茅之根也

本草綱目

卷九

茅

白茅



菅茅

俗云智加也
翻上下之名

本綱菅茅生山上似白茅而長入秋抽莖開花成穗如菰花結實尖黑長分許粘衣刺入其根短硬如細竹根無節可入藥功不及白茅



黃茅

俗云加也
根名地筋
菅根 土筋

本綱黃茅似菅茅而莖上開葉莖下有白粉根頭有黃毛

根亦益而細硬無節秋深開花穗如菅可為索繩蓋白茅

黃茅二物之根狀皆如筋故共名地筋

按黃茅其根細纖而如絲瓜筋及草薺鬚束之可以磨物呼名宇豆久利出於藝州廣島櫛挽家用之以琢櫛



香茅

俗云太末保
又云藁草

本綱香茅葉有三脊其氣香芬可以包藉及縮酒

按香茅葉似菅茅而有二稜微柔軟農家用之作雨衣藁其穗黃赤色其他茅穗白播州多有之



芒 同 惹

芭茅 俗云尾花 又云須木 俗作薄字

本細芒叢生葉如茅而大長四五尺甚快利傷人如鋒刃
七月抽長莖開白花成穗如蘆葦花於花將放時剥其薄
皮可為繩箔草履諸物其莖穗可為掃帚也

石芒折草 芒花

生高山如芒而節短五月抽短莖開花亦如
芒花

△按惹俗用其花作穗而翻翻似物之尾故呼名尾花
順和名抄引爾雅云草聚生曰薄花薄揮波奈須須木
此草以數莖叢生竟以薄為此草名
鬼惹 盤名常 葉潤於常夏冬不凋快利傷人手者也
縵惹 須木 葉有縱白文如縵織者也

鷹羽芒 十寸穗芒

鷹羽芒乃太加 葉有白彪如鷹羽者也
十寸穗芒 未須保或 未曾保 登蓮法師問二名何是也 南郡正



絲芒

俗云伊止須須木

本細絲芒即芒之異種葉細如絲線而長三四尺一株數
百莖叢生秋抽莖作花穗以栽庭園賞之

根



龍膽

陵游 和名衣夜美 久佐 一云迦加奈 今云里牟生字

本草綱目卷之九
龍膽
本綱龍膽宿根黃白色下抽根十餘條類半藤而短生苗高尺餘四月生葉如嫩蒜細莖如小竹枝七月開花如牽牛花作鈴鐸狀青碧色冬後結子苗便稱谷呼曰草龍膽又云葉如龍葵味苦如膽因以名龍膽

氣味苦寒氣味俱厚 沉而降陰也足厥陰少陽經氣分藥也其用有四除下部風濕一除濕熱二治臍下至足腫痛三治寒濕脚氣也四下行之功與防已同酒浸則能上行外行以柴胡為主龍膽為使治眼中疾必用之藥益肝膽之氣而泄火蓋相火寄在肝膽有濕無補故龍膽能瀉肝膽之邪熱也但大苦大寒過服恐傷胃中生發之氣反助火邪小豆為之使惡地黃忌鐵一種山龍膽苦瀉其葉經霜雪不凋山人用治四肢疼痛與草龍膽同類而別種也

△按龍膽和漢共用之藝州廣島之產長豐前中津次之


葉似葶而厚九月開花紫如鈴鐸形向上花中有蒼子又有正白花者名世龍膽形狀小



遼細辛



西細辛



細辛

小辛 少辛

和名美良子或云比木乃比太比久佐

本綱細辛山谷處處有之皆不及華陰高麗者葉似小葵柔莖細根直而色紫味極辛嚼之習習如椒而更甚於椒大抵能亂細辛者甚多皆當以根苗色味細辨之杜衡鬼督郵徐長卿白微白前皆能偽細辛

杜衡 葉似馬蹄莖微粗根曲而黃白色味亦辛
鬼督郵 一莖直上莖端生葉如繖根似細辛微粗直而黃白色味辛微若
徐長卿 似鬼督郵而色黑者及已也葉似桑根

細辛微粗長而黃色味辛而有白微
葉似柳而根似細辛粗長其白色而味苦
似白微而白直味甘

細辛氣味 大辛溫氣厚于味 陽也升也入足厥陰少陰血分爲

手少陰引經之藥頭面風痛不可缺此香味俱細故入

少陰與獨活相類以獨活爲使治少陰頭痛如神亦止

諸陽頭痛諸風通用之又治邪氣自裏之表

凡水停心下不行則腎氣燥宜辛以潤之細辛之辛以

行水氣而潤燥

口瘡喉痺蠱齒諸病用之者取其能散浮熱亦火鬱則

發之之義也辛能補肝故膽氣不足驚癩眼目諸病宜

用之 得當歸芍藥芩藜白芷牡丹蔓本甘草共療癩

人得次明鯉魚膽共療目痛 惡黃芪山茱萸思生萊菔

△按細辛倭漢共用之與州津輕及江州之產良阿波及

豐前小倉之產次之其葉似小葵而青有小白點夏月

開小紫花象短根直外黃內白其氣畧如椒雖辛不甚
用細辛藏人參則人參不性云



杜衡

杜葵馬蹄香
土鹵土細辛

和名布入末賀三
又云豆不祿久左

本綱杜衡春初於宿根上生苗葉似馬蹄狀高二三寸莖
似麥蒿粗細每窠上有五七葉或八九葉別無枝蔓又於
莖葉間鐫內蘆頭上貼地生紫花其花似見不見暗結實
如豆大窠內有碎子似天仙子苗葉俱青經霜即枯其根
成空有似飯帚密闊細長四五寸粗於細辛微異白色帶
之可以走馬馬得之健走也市人往往以亂細辛其功雖
不及細辛而 味辛溫 能散風寒下氣消痰
△按杜衡往昔本朝亦有之今則亡



及已

和名豆木祿
人佐

本綱及已生山谷陰濕軟地二月生苗一莖莖頭四葉隙
着白花其葉狀如樟耳其根似細辛而黑味苦有毒入口
使人吐血只煎汁傳惡瘡及牛馬諸瘡今人不知及已律
往以當杜衡却以杜衡當細辛
△按及已倭名抄載之則往昔本朝可有之今則不識



鬼督郵

獨莖而葉攢
其端無風自
動故名獨搖
獨活與此同
名異物

獨搖草



徐長卿

別仙蹤
和名比女加之美

本綱鬼督郵莖似細箭幹高二尺以下葉生葉端狀如傘
花生葉心黃白色根橫生而無鬚與及已同蕪穰苗皆相
似但以根如細辛而色黃白者為鬼督郵色黑者為及已

本綱徐長卿生下濕川澤之間苗似小桑兩葉相對三月
苗青七八月着子似蘿藦子而小九月苗黃十月凋其根
如細辛微粗長黃色而有臊氣
氣味辛溫有毒治鬼物疫疾温瘧蓋鬼督郵徐長卿赤箭之
△三物皆治鬼病故共有鬼督郵之名名同而物異古者
傳含有督郵之官司鬼之官
鬼督郵及已之亂杜衡其功不同苗亦不同

徐長卿

亂鬼督郵其苗不同其功同也杜... 功用皆彷彿乃彌近而大亂也不可不審
△按徐長卿威靈仙二物誤波羅不那相混宜辨之
肘後方云凡人登車船煩悶頭痛欲吐者稱之注車注
船俗云船醉也徐長卿石長生車前子車下李
根皮四味等分搗碎以方囊繫半合干衣帶及頭上則
免此患疑以此船棧之義下畧稱徐長卿曰不奈波良
乎



白微

薇草 白幕
骨美 薺音尾
春草
和名美那之古草
一云久呂久佐
三云阿末奈

本綱白微莖葉俱青頗類柳葉六七月開紅花八月結實
其根黃白色類牛膝而短小

氣味苦鹹

陽明經藥古方多用治婦人後世罕能知

農政全書云白薇苗高一二尺莖葉俱青頗類柳葉而潤
短硬毛澁開花紅色又云紫色結角中有白瓣根如牛膝
根而短黃白色

△按白微往昔有出於本朝今則亡



白前

石藍 嗽藥
和名能加加美

本綱白前苗高尺許其葉似柳根似白微牛膝莖

但似牛膝粗長堅直易斷者白前也
似牛膝短小柔軟能變者白微也
氣味甘微辛 手太陰藥保定肺氣多用以溫藥

本草綱目卷之...

佐使尤佳蓋肺氣壅實而有痰者若屬而長嘔氣者不可用

△按白前往昔有出於本朝今乃亡



草犀

本綱草犀苗高二三尺獨莖對葉而生如燈臺草根如細辛味辛一切毒氣虎根蟲虺所傷並宜燒研服之臨死者亦得活其解毒之功如犀角故名草犀



百兩金

本綱百兩金生戎州苗高二三尺有幹如木葉似荔枝初生背面俱青結花實後背紫面青凌冬不凋初秋開花青碧色結實大如豆生青熟赤一種河中府出者根如蔓菁赤色莖細青色四月開碎黃花似星宿花五月采根長及一丈



紅豆花

本草綱目卷之九 草部 草犀 百兩金 紅豆花

草木花詩譜云紅豈花開一蕙十莖下無奸桃杏其葉瘦如蕙亦可觀也

唐松草

俗稱
正字未詳



△按唐松草生山中春生苗苗稠更生莖葉似人參而細小面青綠背淡三柱五葉四月莖端開白花無葩瓣而本匠人如刻成松葉俗稱唐松也花落莖殘其莖青黃色亦似花間希結莢有稜如麥穎而青色
一種有小唐松莖葉稍小而莖帶紫色其花有白有紫今人家移植甚可愛
一種有雪黑草高四五寸葉花並似唐松草而白又有淺紅及紫

罌草

俗稱
正字未詳



△按罌草溪山溪谷有之高不過尺細莖一本直立似櫛櫛之輩而厚有尖稜七八葉相層如開蓮中心抽細莖六月開花白色如毛狀似罌毛鞘鎗故俗名之蓋罌即白熊也見獸部

紫陽花

俗稱
和名安豆佐為
俗云安知佐為
今云加久根奈



△按倭名抄云紫陽花出於白氏文集取生莖葉似綉球



川萱

正安未詳

俗云加留加也

△按此草生山原高二三尺細莖細葉每五葉兩兩對生八月抽莖開細花狀如景天草及胡蘿蔔花而粒粒青色能開則正黃是亦可謂如燕粟乎隨結子
一云川萱者苾之類也秋出穗

本名未詳



箱根草

△按箱根草相州箱根山有之小草苗高六七寸細莖

色葉形似銀杏葉而小其根細如絲而短未知其本名相傳云能治產前產後諸血症及痰飲
徃年阿蘭陀人見之稱有良草請採得之甚以為珍



元日草

福壽草

△按福壽草洛東山溪陰處有之冬枯春生於宿根肥莖高二三寸葉似胡蘿蔔及石長生葉而小歲且初開黃花似半開菊花人以為珍植盆種元日草春夏長尺餘生枝條花綻開不堪見
五雜俎云有歲蘭其花同蘭而葉稍異其開必以歲首故名歲蘭此亦元日草一類二種乎



夾竹桃

草本花詩譜云夾竹桃花如桃葉如竹故名然惡濕而畏寒十月初宜置向陽處放之喜肥不可壅



草尾

俗稱禾詔

一名王草 疑謂草王義乎

接草尾生石縫間葉似和人髮葉而淺綠四月開小黃花結角花子共似燕菁接葉塗爛眼傳瘡腫速効



歪頭菜

農政全書云歪頭菜出山野中細莖就地叢生葉似豇豆葉而狹長背微白兩葉並生一處開紅紫花結角比豌豆角短小匾瘦葉味甜採葉煤熟油鹽調食



紫雲菜

農政全書云紫雲菜生山野中苗高一二尺莖方紫色對節生葉似山小菜葉頗長拂梗對生葉頂及葉間開淡紫

花其葉


微苦

採嫩苗葉煤熟水浸自去苦味油鹽調食



匙頭菜

全云匙頭菜生山野中作小科苗其莖面窅背圓葉似團匙頭樣有如杏葉大邊微鋸齒開淡紅花結子黃褐色其葉味甜



舌頭菜

全云舌頭菜生山野中苗葉場地生葉似山白菜葉而心

頭頗圓葉面不皺比小白菜亦厚狀類猪舌形故以為味苦採葉煤熟水浸去苦味油鹽調食



螺壓兒

地桑 痢見草

全云螺壓兒草生荒野中莖微紅葉似野人莧葉微長窄而尖開花作赤色小細穗兒葉甘今人用苗水煮服治痢疾甚效



鯽魚鱗草

農政全書云鯽魚鱖草生山野中苗高二二尺葉大而茶褐色對分莖又葉亦對生葉似桔梗葉而微軟薄葉而却微紋皺稍間開粉紅花結子如粟粒而茶褐色其葉味甜



尖刀兒草

らんりしき


全云尖刀兒草生山野中苗高二三尺葉似細柳葉而細長而尖兩兩拈莖對生開淡黃花結尖角長二寸許角如蘿蔔角中有白穰及小區黑子其葉味甜



山裏果兒

山裏紅
映山紅果

農政全書云生山野中枝莖似初生桑條上多刺其葉似菊葉稍團開白花結紅果大如櫻桃味甜



惠連草

あまのりしき

俗稱 紅字

△按惠禮草在深谷中和列多武峯有之高六七寸獨莖杪大葉唯三葉長三寸許似小玉簪葉而不尖三四月頂上開小花淡紫單葉四瓣結子中有細子淡黑色

其根如半夏陰乾以為食傷藥



佛指甲

農政全書云生山谷中苗高一二尺莖微帶赤黃色其葉淡綠背皆微帶白色葉如長匙頭樣似黑豆葉而微寬兩葉對生開黃花結實形如連翹微小中有黑子小如粟粒其葉味甜



拐棗

農政全書云拐棗生山谷中葉似楮葉而尖鱗面多紋厚邊有細鋸齒開淡黃花結實狀似生姜拐又而細短深茶褐色味甜

櫻川草



風輪菜

俗云櫻川草

風輪菜

全云風輪菜生山野中苗高二尺餘方莖四楞色淡綠微白葉似荏子葉而小邊有鋸齒兩葉對生而葉節間又生子葉極小四葉相攢對生開淡粉紅花其葉味苦
△按風輪菜俗云櫻川草也高二三尺莖中空葉似山漆葉而小三三抱莖生枝極三四寸莖頭開小花粉紅色攢生一一形似牽牛花而極小所圖和漢有小異故出二圖

農政全書云珍珠菜生山野中苗高二尺許莖似蒿桿微帶紅色其葉狀似柳葉而極細小頭出穗狀類鼠尾草穗開白花結子小如菜豆粒黃褐色葉味苦澀



珍珠菜

農政全書云木桃兒生山中高五尺餘枝條上氣脈積聚為瘿狀類小桃極堅實其葉似楮葉而枝小有細鋸齒



木桃兒

淡紫花結子似梧桐子而大熟則淡銀褐色味甘可食

農政全書云金剛刺生山野中料條高三四尺條其上多刺葉似牛尾菜葉又似龍鬚菜葉而大葉間生細絲蔓其葉味甘



金剛刺

農政全書云山葱生山野中葉似玉簪葉微團莖中攢莖



山葱

農政全書云山葱生山野中葉似玉簪葉微團莖中攢莖

羽子伊草甚長而澁稍頭結膏莢似葱膏莢微開白花結子
黑色苗味辣



羽子伊草

正字未詳

子形似羽
子故名之

又云波古乃古

△按羽子伊草生山中野州日光山及處處山中有之葉
似白蒿葉三月開白花似桔梗花而小六七月結子大
如無患子而生青熟灰白色皺三葉抽於子形彷彿小
兒所翫羽子連子葉潔食或鹽漬送他邦入暹汁食之
味不美唯賞珍菓耳




山神錫杖

或云孤錫杖

俗稱

△按此草生高山嶺無葉夏開黃花秋結子形似番椒而
長二二三寸生青熟正紅一莖十餘顆畧如錫杖樣故俗
呼名山神錫杖乾則頗似麥門冬而黑色皮肉厚中有
細子小於罌子粘肉山人取為藥味微苦能治五淋及腹
痛



岐良牟草

濕草有蛇含草名岐良牟
功能亦與此似而形狀異

正字未詳

△按岐良牟草山中小草也備中及近江有之冬枯春生
苗布地而無枝似茶蘭葉而大柔畧有大鋸齒而不尖
皆微紫二四月葉間開花甚小淡紫色其子小而難見
取葉陰乾黑燒用麻油塗小兒草瘡一二度即治



山麻雞

七十九三